



DON GHAEILGE - DON ÓIGE

ÓGRAS

POLASAÍ AR DHRUGAÍ & ALCÓIL
BEALTAINE 2019

Aidhm

Is é aidhm an pholasaí seo ná a chinntiú go gcoinnítear gach ball club sábháilte ó dhíobháil a bhaineann le drugaí, agus iad páirteach i ngníomhaíochtaí an chlub.

Cuspóirí

- Cur chuige comhsheasmhach a fhorbairt i leith ceisteanna a bhaineann le drugaí, rud a bheidh glactha ag gach ball den chlub.
- Nósanna imeachta agus prótacail a fhorbairt a dhíríonn ar cheisteanna a bhaineann le drugaí sa chlub.
- Nósanna imeachta soiléire a dhearbhuí chun eachtraí áirithe mí-úsáide amhrasta drugaí a bhainistiú.

Sainmhíniú ar Dhrugaí:

Cuimseoidh an téarma “druga” gach substaint a chuireann malairt ghiúmair ar dhuine, idir dhleathach agus mhídhleathach, chun críocha an pholasaí seo, agus cuimseoidh sé substaintí amhail.

- Alcól
- Tobac
- Leigheasanna “thar an gcuntar” amhail paraicéiteamól, frith-hiostaimíní, leigheasanna casachta srl.
- Drugaí ordaithe amhail antaibheathaigh, análóirí, pianmhúchán srl.
- Substaintí luaineacha amhail aerasóil, gliúnna, peitreal, breoslaí lastóirí toitíní srl.
- Drugaí rialaithe amhail cannabas, eacstais, amfataimíní, beacáin draíochta, cócaon srl.

Mí-úsáid drugaí & alcóil a chosc

- Níor chóir don fhoireann nó do cheannairí a bheith ag caint ar bhealach míchuí faoi ól alcóil, go háirithe ól iomarcach alcóil, nuair a bhíonn siad i láthair daoine óga nó oibríthe deonacha óga.
- Nuair a bhíonn ionadaíocht á déanamh ag an bhfoireann, ag ball den Choiste Stiúrtha nó ag ceannaire deonach ar son Ógas ag ócáidí seachtracha ag a bhfuil daoine óga faoi 18 mbliana d’aois, níl cead acu alcól a ól.
- Níl sé inghlactha go mbeadh baill foirne ag ól alcóil i ngnáthchúrsa a gcuid oibre. Níl sé inghlactha ach an oiread go mbeadh duine acu

ag teacht chun oibre agus é/í faoi thionchar alcóil nó póit a bheith air/uirthi.

- Níl ceadmhach alcól a ól ag ócáidí seachtracha a bhaineann le hobair nuair a bhíonn ball foirne nó ceannaire ar dhualgas.
- Ag gach ócáid sheachtrach eile a bhaineann le grúpaí piaraí, mar shampla, ag comhdhálacha, áit nach mbíonn an fhoireann i dteagmháil le daoine óga nó oibrithe deonacha, ba chóir d'fhoireann Ógras alcól a chaitheamh go measartha, ós rud é go bhféachtar orainn go gairmiúil mar eiseamláirí do dhaoine óga.
- Níl cead ag Oibrithe Deonacha ná ag an bhFoireann alcól a cheannach nó a chur ar fáil do dhaoine óga. D'fhéadfaí pionós a chur ar Oibrithe Deonacha nó ar an bhFoireann má sháraítear an riail seo trí alcól a cheannach nó a chur ar fáil.
- Níor chóir d'Oibrithe Deonacha ná don Fhoireann alcól a chur chun cinn, glacadh le hurraíocht a bhaineann le halcól ná le hearraí a bhfuil brandáil alcóil orthu agus ba chóir dóibh cosc a chur ar fhógraíocht alcóil ag gach áitreabh óige.

Oideachas faoi dhrugaí & alcól

Socróidh Ógras clár oideachais ar dhrugaí do bhaill, tuismitheoirí is araile, de réir mar is cuí. D'fhéadfaí go gcuimseodh an clár oideachais seo ar dhrugaí cur chun cinn pholasaí an chlub, cur ar fáil litríochta, ceardlann nó seisiúin eolais.

- Déanfaidh Oifigeach Forbartha an Chlub socrú i gcomhar le cinnirí an chlub chun oideachas ar dhrugaí a chur ar fáil **go** bliantúil do dhaoine fásta a bhaineann leis an gclub.
- Déanfaidh an tOifigeach Forbartha socrú, i gcomhar le cinnirí an chlub agus Ógras, chun oideachas ar dhrugaí atá oiriúnach don aoisghrúpa a chur ar fáil **go** bliantúil do dhaoine óga a bhaineann leis an gclub.

Deileáil le heachtraí drugaí agus alcóil sa chlub

Níl cead ag daoine óga a bheith ag ól nó faoi thionchur dhrugaí agus iad ag freastal ar an chlub óige nó ar aon imeacht de chuid Ógras.

Má sháraítear an polasaí seo, déanfar déileáil leis an sárú sin i gcomhréir le nósanna imeachta smachta na heagraíochta.

Prótacal le déileáil le mí-úsáid drugaí

Féachfaidh Ógras le freagra a thabhairt ar gach eachtra a bhaineann le drugaí ar bhealach daingean agus cothrom, leis an meas cuí ar shábháilteacht agus leas na ndaoine atá i gceist, bhail eile an chlub agus an phobail i gcoitinne. Comhlíonfaimid aon dualgais dhlíthiúla a d'fhéadfadh a bheith i gceist chomh maith.

Treoir don Club

- Déan taifead ar an eachtra
- Caithfear teagmháil a dhéanamh le tuismitheoirí/caomhnóir an phaiste/duine óg
- Cuirtear an paiste/duine óg abhaile láithreach
- Caithfear Ard-oifig Ógras a a chur ar an eolas faoin eachtra
- Polasaí Smachta Ógras a chur i bhfeidhm

Eolas a Thaifeadadh

Déanfar eolas maidir le heachtraí líomhnaithe nó deimhnithe a sháraíonn an polasaí seo a thaifeadadh i scríbhinn. Is fearr fíricí a thaifeadadh agus luaifead gach tuairim mar thuairim. Taifeadfar freagraí ar chásanna chomh maith ar an mbealach seo. Ní ainmneofar daoine ar leith ach i gcásanna deimhnithe.

Discreíd

Cé nach féidir rúndacht a gheallúint déanfar gach iarracht a bheith discreídeach.

Tuismitheoirí/Caomhnóirí a Thabhairt Isteach

Beidh gá le tuismitheoirí/caomhnóirí a chur ar an eolas faoi eachtraí a bhaineann le duine ar bith faoi bhun 18 mbliana d'aois. Tabharfar cuireadh do na tuismitheoirí/caomhnóirí plé a dhéanamh ar an méid a tharla agus coinneofar ar an eolas iad faoi ghníomh ar bith a dhéanfaidh an club. Ainmneoidh ceannairí an chlub duine chun na tuismitheoirí/caomhnóirí a chur ar an eolas ar bhonn cáis ar chás.

Na Gardaí a thabhairt isteach

Beidh gá leis na Gardaí a thabhairt isteach i gcás eachtraí a bhaineann le soláthar mídhleathach drugaí. Maidir le gach eachtra eile a bhainfeadh le drugaí, déanfar breithniú ar leith ar gach cás ar leith agus is faoi chinnirí an Chlub atá sé cinneadh cé acu an gá nó nach gá na Gardaí a thabhairt isteach.

Monatóireacht agus Measúnacht

Tá an polasaí seo i bhfeidhm an t-am go léir agus i rith na ngníomhaíochtaí go léir a dhéantar faoi choimirce Ógras.

Athbhreithniú polasaí

Déanfaidh Ógras athbhreithniú ar an bpolasaí seo gach trí bliana, agus tar éis gach eachtra a bhaineann le drugaí, le cinntiú go mbíonn sé nuashonraithe agus go bhfreastalaíonn sé ar riachtanais na heagraíochta.

I bhfeidhm ó : 2019

Duine Freagrach as: Stiúrthóir Ógras

Freagracht foriomlán: Coiste Stiúrtha Ógras

Le hathbhreathnú: Bealtaine 2022

Síniú : 

Stiúrthóir

Dáta: 24 Bealtaine 2019